

ՕՏԱՐԵՐԿՐԱՑԻ ԴԻՄՈՐԴՆԵՐԻ ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ ԿԱՆՈՆՆԵՐ

1. Հայաստանի Հանրապետության կրթության, գիտության, մշակույթի և սպորտի նախարարություն հայտ ներկայացնելուց, և սույն կանոններին ծանոթանալուց հետո օտարերկրացի դիմորդը Համալսարանի www.ysmu.am կայքի համապատասխան էլեկտրոնային հարթակում պետք է լրացնի «ԴԻՄՈՐԴԻ ՀԱՐՑԱԹԵՐԹ»:
2. Քննությունների ժամանակացույցի վերաբերյալ տեղեկատվությանը դիմորդը կարող է ծանոթանալ Համալսարանի պաշտոնական կայքի տեղեկատվական համապատասխան հարթակից:
3. Սահմանվում են քննությունների անցկացման և բողոքարկման ընդհանուր հետևյալ պահանջները.
 - ♦ Քննության տևողությունը կազմում է 60 րոպե:
 - ♦ Առաջադրանքների քանակը կազմված է 50 թեստից:
 - ♦ Դրական անցողիկ շեմ է համարվում 26 թեստերի ճիշտ պատասխանը:
 - ♦ Քննությունների արդյունքները հրապարակվում է քննության ավարտից հետո առնվազն 3 ժամ անց:
 - ♦ Դիմորդն իրավունք ունի բողոքարկելու քննության արդյունքները՝ քննությունների արդյունքների հրապարակումից հետո 1 ժամվա ընթացքում:

Դիմորդի պարտականությունները և իրավունքները

1. Քննության օրը դիմորդը պետք է Համալսարան ներկայանա քննության մեկնարկից 30 րոպե առաջ:
2. Դիմորդն իր հետ պետք է ունենա անձը հաստատող փաստաթուղթ:
3. Քննության ժամանակ դիմորդն իրավունք ունի՝
 - ♦ սևագրության համար օգտագործել պատասխանների ձևաթղթի ետնամասը,
 - ♦ քննության պատասխանատուներից պահանջելու լրացուցիչ նշումների համար թերթիկ՝ անհրաժեշտության դեպքում,
 - ♦ քննության պատասխանատուներին տալ միայն տեխնիկական բնույթի հարցեր,
 - ♦ քննության ժամանակ օգտագործել մատիտ՝ նախնական պատասխանները նշելու համար՝ գրիչով ջնջումներից և ուղղումներից խուսափելու համար,
 - ♦ օգտագործել հաշվիչ՝ խնդիրների լուծման համար,
 - ♦ ունենալ «Մենդելեևի աղյուսակ»՝ քիմիա առարկայի քննության համար:
4. Քննության ժամանակ չի թույլատրվում՝
 - ♦ կատարել ջնջում և (կամ) ուղղում քննական ձևաթերթի վրա,
 - ♦ օգտագործել բջջային հեռախոս կամ տեխնիկական այլ միջոց,
 - ♦ հուշել և խանգարել քննության ընթացքը:
5. Քննական ձևաթերթը պետք է լրացված լինի.
 - ♦ կապույտ գրիչով (մատիտով գրված պատասխաններն առոչինչ են համարվում),
 - ♦ առանց գրիչով ուղղումների և (կամ) ջնջումների (պատասխանի ուղղումն առոչինչ է համարվում).
 - ♦ ամբողջությամբ (բաց թողնված պատասխաններով ձևաթերթը չի ընդունվի):